

2023-mi ataatsimeersuarnermi siulersuisut siulittaasuata oqalugiaataa
Anette Lings-imit

Siulersuisuni siulittaasup Visit Greenlandimi ukiumi 2022-mi nalunaarusiaa

Visit Greenlandip siulersuisui sinnerlugit ataatsimeersuarnermut peqataanissinnut,
Visit Greenlandillu suliaanik soqutiginninnissinnut qujarusuppunga.

Ukiut ingerlanerini ukiumi 2022-mi Kalaallit Nunaannut tikeraat
amerlanerpaajusimapput, takornariartaassuarnik tikerartunik rekorteqarpoq,
takornariallu tikissimasut katillugit coronap takkutinnginnerani tikerartuni
kisitsisaasimasut naligivai.

Ukiup sisamaraarterutaata siulliani kiisami corona iperaajartulersimavoq, Kalaallit
Nunaallu takornarianut ammariartoqqilersimalluni. Timmisartumi ilaasut nunanit
allaneersut 2019-imut sanilliutissagaanni 2,6%-imik amerlisimapput. Nunatsinnilu
takornariat unnuisarnerisa kisitsisaat 30%-inik aamma qaffassimapput.

Kalaallit Nunaat ornigassatut soqutigineqaleraluttuinnarpoq, tamannalu Visit
Greenlandip, sumiiffinni tuniniaaffigisartagaanni pingaarnerni tallimat tassaasut,
Skandinaviami, Tysklandimi, Frankrigimi, Tuluut Nunaanni Amerikamilu Avannarlermi
misissueqqissaarnerani kisitsit takutippaat.

Piffissamut 2016-2018-mut sanilliutissagaanni tuniniaaffinni tamani Kalaallit
Nunaannut angalanissamut soqutiginninneq annertusinikuuvoq, taamaalillunilu
suliaq ilippanartoq pilersaarusiorluta ingerlatiinnassavarput.

2022-mi Visit Greenland sulianik anguniagalinnik sammisaqartitsinernillu arlalinnik
suliaqarnikuuvoq, soqutigineqarneq annertoq maannakkut misigisarput
akueriniarlugu sakkortusarniarlugulu. Suliallu ilai maanna oqaatigissavakka:

Septembarimi nunarput nunat avannarliit killiineersunut rejseemessemut –
Vestnordenimut – qaaqqusisuuvoq. Aqqutaani unammillernartut amerlasimaqaat,
silalu minitaanani qinngasaarinikuulluni.

Kisianni Kalaallit Nunaat misigisassarsiorneratalimmik ornigassaanerata takutippaa
ataatsimoorluta iluarsisutit nassaarsinnaalluta aammalu sumiiffinni
takornariaqarnermi isumalioqatigiissutit, takornariaqarnermi inuussutissarsutit,
aningaasaliisut aammalu suleqatigisartakkagut amerlasuut peqatigalugit
inisimatitsisuuneq kusanartumik kivinneqarsinnaasoq.

Messeimi nunanit assigiinngitsunit 25-nit pisiniat 171-it peqataapput, kiisalu
ingerlatsisut Islandimeersut, Kalaallit Nunaanneersut Savalimmiuneersullu 198-it.

Agentit tusagassiortullu 65-it messep aallartinnginnerani Kalaallit Nunaanni nunap ilaanut arfinilinnut angallanneqarnissamut qaaqqusaanikuupput. Angallassinerit taakku siullerpaamik aaqqissuunneqarput sumiiffinnilu takornariaqarnermi isumalioqatigiissutinit ingerlanneqarlutik, sumiiffinni inisimatitsisunik isumannaajaanissaq siunertaralugu, taamatuttaaq agentit sumiiffinnilu ingerlatsisut akornanni suleqatigiinnissamut atassuteqaatinik pilersitsinissaq siunertaralugu.

Aningaasanik tapersersortinut, event-imut tapersersuinissinnut aammalu Vestnorden Kalaallit Nunaanni ingerlanneqarnissaanut piviusunngortitsinissinnut qujanarujussuaq.

Aamma takornariaqarnermi inuussutissarsiortunut, nunap ilaani isumalioqatigiissitanut qujanarujussuaq, atorfinni pikkorissusermik suleqatigiissinnaassusermillu takutitsinissinnut, piffissami oqitsorsiorfinniinnaanngitsoq, kisianni aamma oqimaatsorsiorfinni.

Ataatsimoorluta Kalaallit Nunaat pillugu Vestnorden iluatsilluarparput.

2022-mi Kalaallit Nunaat nunat tamalaanit mediakkut aammalu tusagassiutitigut suleqatigiinnit assigiinngitsunit nersorneqarlunilu soqutigineqarluarsimavoq.

Ilaatigut National Geographic-ip Kalaallit Nunaat timersuutini sapiisernertalinnik nuannarisalinnut mekka-tut taanikuuaa aammalu nuna misigisassarsiornertalimmik ornigassatut allattugaani ilanngussimallugu. Kalaallit Nunaat New York Times-ip ornigassatut allattugaani, 2022-mi tikeraagassaqqissutut aamma ilanngunneqarnikuuvoq.

Kalaallit Nunaat tv-filmini aallakaatitassanilu takussaanerulernikuuvoq, soorlu Borgen-imi, Against the Ice-mi, Vikings Valhalla-mi aamma Into the Ice-mi. Tamarmik Kalaallit Nunaanni maannakkut pisunik attuumassuteqartunik ornigassatut nersorniaapput aammalu sumiiffinni ingerlatsisunut pingaaruteqarteqarlutik, agentinimmi nutaanik orniginartuusinnaammat.

Nunat tamalaanit taamatut paasineqarneq anguneqarnikuuvoq suleqatigiinnerit amerlasuut takornariaqarnerup silarsuaani pilersinneqarnikut aqqutigalugit. Tamanna pillugu qujanarujussuaq.

Kalaallit Nunaat ornigassatut soqutiginarsarnissaa taamatullu nunarput takornarianik orniginartunngortinnissaa suliaavoq. Soorlu aamma naalaarutikkut tigooraassutini pitsaasunik isumannaajaaneq taamaattoq.

Visit Greenlandimi anguniagaqarluta sulisarpugut annertusaaneq anguniarlugu, tamanna akisussaassuseqarneq piujuartitsinerlu tunngavigalugit ingerlanneqartarpoq. Aningaasaqarneq kisiat pillugu amerlanerusunik takornariaqarnissaq kissaatiginngilarput, kisianni aamma takornariaqarneq inuiaqatigiinnut avatangiisinullu nuannersumik tunniussisinnaanissaa kissaatigaarput.

Takornariaqarnerup piumaneqarnerata annertusinerata malitsigisaanik unammillernartut takkuttut annertuumik qitiutippagut, soorlu højsæsonimi puiaasap torlui, attaveqaasersuutini nungullaaneq aammalu sulisussaaleqineq. Akulikitsumik periusini ataasiakkaani unammillernartut piumasaqaateqartarput, illoqarfinnut nunaqarfinnullu ataasiakkaanut tulluarsakkanik iluarsiissutinik pisariaqartitsisunik.

Taamaammat uagutsinnut pingaartuuvoq takornariaqarnermi isumalioqatigiissitanik nunap ilaaneersunik, kommuninik, politikerinik ingerlatsisunillu qanimut suleqateqarnissaq, nunatsinni piujuartitsisumik ineriartortitsineq isumannaajarniarlugu. Isumaqarpugut assigiinngitsutigut suleqatigiilluni pingaartuusoq, Kalaallit Nunaanni takornariaqarnermi suliffissuaqarnermi piujuartitsisumik ineriartortitsineq anguniaraanni.

2022-mi Visit Greenland arlalinnik iliuuseqarnikuuvoq, takornariaqarnermi tuniniakkanik pitsanngorsaansamik assigiinngisitaartunngorsarnissamillu siunertalinnik, Kalaallit Nunaanni takornariaqarnermik piujuartitsinerusumik suliaqarnikuuvoq aammalu attaveqaasersuutinik pitsanngorsaallunilu ineriartortitsilluni, illoqarfiit nunaqarfiillu takornarianut tikikkunminarneruniassammata. Aallarniissutit ilai uani eqqaassavakka.

2022-mi projekti SIUARTA aallartisarneqarsimavoq, NALIK Ventures suleqatigalugu. Projektip siunertaraa illoqarfinni minnerni nunaqarfinnilu takornariaqarnermi inuussutissarsiornermilu ineriartortitsinermi ilippanartorpassuarnik ersersaanissaq, aammalu sumiiffinni avinngarusimasuni takornariaqarnermi inuussutissarsiornermik aammalu takornariaqarnermi sammisassaqaartitsinernik siuarsaallunilu ineriartortitsinissaq.

Tamanna erseqqissumik pivoq sumiiffinni pisariaqartitat kissaatillu aallaaviginerini, sumiiffinnilu qaffassaanissamut pilersitsisinnaasunik iluarsiissutinik ataasiakkaanik nassaartuinissaq anguniarlugu.

SIUARTA 2023-mi piareersaatitut sammisaavoq, nunap ilaaniillu tapersersuinerujussuarmut, aammalu ineriartortitsinermi ataatsimut akisussaaffimmik tiguseqatigiinnermi nuannersumik periuseqarnermut qujarusuppugut.

Decembarimi Visit Greenland aviisimik immikkut sammisalimmik, "*Turisme til gavn for hele Grønland*", saqqummersitsivoq. Aviisi sumiiffinni innuttaasut Kalaallit Nunaanni takornariaqarneq assigiinngisitaartumik paasisaqaarfigilersinnaanissaanik siunertaqarpoq, kiisalu piujuartitsisumik takornariaqarnermi ineriartortitsinermi periarfissanik, ilippanartunik aammalu killissanik assiliartalersuilluni.

Tapiliussatut Visit Greenland innuttaasut nunami takornariaqarneq pillugu isumaanik misissuinerimik suliaqarpoq. Peqataasimasut procentii annertuut takullugit nuanneqaaq, minnerunngitsumik innuttaasut takornariaqarneq pillugu nuannersumik isumaqarnerat takullugu.

Visit Greenlandimi ineriartorneq una malinnaavigeqqissaarumaarparpuu, takornariaqarnerup annertusiartornera malillugu. Aammattaaq oqaloqatigiinneq aqputigalugu sumiiffinni innuttaasunik ilanngussinerit annertusinissaat qitiutikkumaarparput, ilisimavarput takornariaqarnermi ineriartortitsineq piujuartitsisuussappat innuttaasut nunaqavissut tapersersuinerat pisariaqartoq.

Takornariartaassuarnik takornariaqarneq 2022-mi siuarimateqarnikooqaaq. Ukiut marluk takornariartaassuaqarnikuunngeriarluni 19-imiit 22-mut 5%-imik qaffannikuuvoq, kisitsisillu 23-mi takutippaat Kalaallit Nunaat takornariartaassuarnik ornigassatut soqutigineqarnera annertuserujussuarsimasoq.

Ineriartorneq taanna tunuliaqutaralugu Visit Greenland ukiami misissuinissamik aallartitsinikuuvoq, suliffissuaqarneq suleqatigalugu, tassani unammillernartunik ilippanartunillu erseqqissaallunilu nassuiaaniarluni.

Visit Greenland nalornineq ajorpoq takornariartaarsuit pineqaraangata, kisianni maluginiartarparput takornariat ornigassaminnut tikittut amerlassusaat aammalu sumiiffinni sulisussat amerlassusaata oqimaatigigiinniarnerat. Taamaammat pisussaasutut akisussaasutullu misigivugut inuussutissarsiutimut tusarnaarnissamut, ilisimasamik katersinissamut, ilanngussinissamut qularsaanissamut aammalu suleqatigiinnissamut, toqqammavimmik qaammarsakkamik pilersitsisinnaaniassagatta.

Misissuinerup anguniagarinikuuaa suliffissuaqarnerup misilittagaanik, isumaanik pisariaqartitaanillu katersinissamik aammalu qulaajaanissamik – taamatullu suliffissuaqarnerup Visit Greenlandip atuunneranut aammalu oqartussaasut suliaanut siunnersuutini naatsorsuutinillu ilusilersuinissamut, takornariartaassuarni suliffissuaqarnerup sinaakkutaasa piumasaqaatissaannik piujuartitsisinik ineriartortitsinisamut.

Suliffissuaqarneq Visit Greenlandillu akornanni suleqatigiinneq tatiginninnermik qanimullu suleqatigiinnermik pisariaqarnikuuvoq – taamaammat periarfissaq una iluatsillugu tapersiinnissinnik qujarusuppunga.

Takornariaqarnermi periusissamik suliarinninnermi Visit Greenlandip pisortaa 2022-mi, Nunanut Allanut, Inuussutissarsiornermut Niuernermullu Naalakkersuisoq peqatigalugu angalavoq.

Angalanerup siunertarisimavaa nuna tamakkerlugu takornariaqarnermi inuutissarsiortunik naapitsinissaq aammalu paasisimasamik katersuinissaq, nuna tamakkerlugu takornariaqarnermi periusissamik nutaamik suliarinninnissamut atugassanik. Visit Greenland sinnerlugu inuussutissarsiornermi oqallinnerni unneqqarinnissinnut aammalu oqartussat Visit Greenlandillu akornanni suleqatigiinnerannut qujarusuppunga.

2022-mi Visit Greenlandimi allanngortisaanerujussuaq aallartinneqarsimavoq.

Pisortaasimasooq Hjörtur Smarason peqatigalugu suleqatigiinneq taamaatinneqarsimavoq ulloq 31. marts, piffissamilu tassani siulersuisuni pisortap tullerisimasaa, Anne Nivíka Grødem, pisortaagallartutut aallartissimavoq. Pisortatut atorfik saqqummiunneqarsimavoq, atorfinitsitsiniaanerlu ataatsimiititaliamit isumagineqarsimavoq, tassaasut suleqat ilaasortaataq kiisalu siulersuisuni ilaasortat marluk.

Anne Nivíka Grødem pisortassatut toqqagaasimavoq ulloq 1. august 2022.

Oktobarimi sulisut, suleqatit tusagassiortullu nalunaarfigineqarput siulittaasut Visit Greenlandip naammassinnissinnaanerani sunneqatigiinnissinnaanerani sakkortusaanissamik kissaateqarlutik. Tamanna isumaqarsimavoq Københavni allaffik matuneqarnerani piffissamilu qaninnermi sulisussamaatit Nuummi allaffimmi katersuunneqarumarlutik.

Organisationimi aaqqissuusaanermik nutaamik atortussanngortitsinissamik allanngoriartuineq aallartinneqarpoq, Kalaallit Nunaanni suliffinnik katersineq suliffimmilu pikkorissusermik qaffassaaneq anguniarlugu, taamatut periaataallaqqissuseq annertuneq sulisussamaatinillu atorluaaneq anguneqartarmat.

Aammalu aningaasaqarnermi allanngoriartuineri pitsanngorsaaneq aallartinneqarsimavoq, siunissami projektinik aningaasaqarnermillu aqutsisinnaanissamik pitsanngorsaaneq anguniarlugu.

Misigisassarsiorluni takornariaqarneq piujuartitsinerlu Visit Greenlandip periusissiaani aqutissiuisuussapput. Kalaallit Nunaat tamakkerlugu ussasaarutiginnissaa sulissutigissavarput, kalaallit kulturiat, kinaassusaat assigiinngisitaarnerallu qitiutillugu, ornigassatut neqeroorutiginnissarput immikkuullarissaq sakkortusarniarlugu.

Nalunngilarput Qaqortumi, Ilulissani Nuummilu, nutaanik mittarfeqalernissaq malitsigalugu aamma takornarissanik inissaqartitsineri annertusisaanissaq pisariaqartoq, taamaalilluta naatsorsuutigisatsit takornariaqarnerulernissaq akuerisinnaaniassagatsigu.

Visit Greenlandip suliassaraa soqutiginninneq atuutsiinnarniassagatigut ineriartortillugulu, misigisassarsiornerlammik takornarianik kajungersaanissaq qitiutillugu.

Tassami takornariaqarneq annertusisariaqarpoq, aningaasaqarnermi napatitseqataasinnaaniassamat. Aammattaaq pingaaruteqarpoq pitsaassuseq annertussutsimit pingaarnerutillugu ineriartortitsinissarput. Annertusisaaginnarnata aamma pitsanngorsaassaagut. Tamanna ataatsimoorluta angusinnaavarput, ineriartorneq akisussaafeqartumik piujuartitsisumillu ingerlanneqarniassamat. Tamanna inuiaqatigiit akornanni suleqatigiinnermi ataatsimullu pilersitsineri pisariaqartitsivoq. Sumiiffik inuuffigiuminartoq – tikeraaruminartuuvoq.

Ingerlatsivik sinnerlugu suleqatigisartakkatsinnut, piginnittunut aamma inuiaqatigiinnut qujarusuppunga, ataatsimut suliatinni, tassa Kalaallit Nunaanni piujuatitsisumik ineriartortitsineq, tapersersuinissinnut aammalu pimoorussinissinnut qujanaq.

Naggataatigut qujarusuppunga Visit Greenlandip sulisuinut, tunniusimallutik ilungersorlutillu takornariaqarnermi ineriartortitsineq, piujuatitsisumik tunngaveqartumik aammalu assigiinngisitaartumik suleqatinik qitiutitsillutik taperseeqataammata.

Immikkut ittumik qujarusuppunga siulersuisuunikunut ukiumi qaangiussimasumi suleqatigiissimanitsinnut aammalu siulersuisut nutaat tikilluaqqullugit – suleqatigiilluarnissarput qilanaaraara.

Qujanaq.